

**Silap pissusaanut tunngatillugu
suliniutinik ineriartortitsinissamut
maleruagassat
(Silap pissusaanut aningaasaliissutit)**

Siunertaa

Suliniutit imaattunik siunertallit tapiiffigineqarnissaanut qinnuteqartoqarsinnaavoq:

- Silaannaap allanngornerata pinngortitamut inuiaqatigiinnullu kinguneqartitsinera pillugu ilisimasat annertusineqarnissaat.
- Silaannaap allannguutaanut naleqqussaanssamut periusissanik ineriartortitsinissaq.
- Silaannaap pissusaata allanngoriartorneranut naleqqussarnissami pilersaarutitut aallarniutaasussanik aallartitsinissaq.
- Paasissutissaliornissaq aamma paasisitsiniaanissaq kiisalu susassa qarfigisatigut ilisimasanik avitseqatigiinnissaq.

Sullinniakkat

Innuttaasut, suliffeqarfiit, paaqqinnittarfiit, peqatigiiffiit kommunit il.il. aningaasanik qinnuteqarsinnaapput.

Aningaasaliinissamut piunasaqaatit

- Suliniummut atatillugu aningaasartuutissat tamarmiusut minnerpaamik 30 procentii nammineerluni allatigulluunniit aningaasaliissutigineqassapput. Akissarsianut aningaasartuutit nammineerluni aningaasaliissutissanut ilaassapput.
- Suliniut Kalaallit Nunaanni aallaaveqartuussaaq.
- Suliniummi angusat misilittakkallu allanit iluaqutigineqarsinnaanngorlugit siammarterneqassapput.
- Suliniut kingusinnerpaamik 1. december 2018 naammassineqarsimassaaq.

2018-imi aningaasaliissutit

Silap pissusaanut aningaasaliissutit Pinngortitamut Avatangiisinullu Naalakkersuisoqarfimmit aquunneqarput. 2018-imi naalakkersuisoqarfik katillugit 400.000 kr.-inik agguaassissaaq.

2018-imi qinnuteqarnermi periusissat, aningaasaliiffigitinneq nalunaarummillu suliaqartussaataaneq

2018-imut qinnuteqaatit kingusinnerpaamik ulloq 15. marts 2018 Pinngortitamut Avatangiisinullu Naalakkersuisoqarfianit tiguneqassapput. Silap pissusaanut aningaasaliissutinik qinnuteqaat immersugassaq atorneqassaaq immersugassallu tamarmik tamakkiisumik immersorneqarsimallutik.

Qinnuteqartut tapiiffigineqartut kingusinnerpaamik 5. april 2018 akuerineqarsimanertik pillugu nalunaarfigineqassapput. Qinnuteqaatit tiguneqarsimasut nalilersorneranni Avatangiisinut Pinngortitamullu Naalakkersuisoqarfimmit immikkut pingaartinneqassapput qinnuteqaat siunertarineqartut naapertuunnersoq aammalu aningaasaliinissamut piunasaqaatit naammassineqarsimanersut.

Suliniut naammassineqarpat nalunaarusiarlu naatsorsuutitalik ilanngussanillu pisariaqartunik ilalik Avatangiisinut Pinngortitamullu Naalakkersuisoqarfimmit akuerineqarpat aningaasat tapiissutigineqartussat tunniunneqassapput. Tassunga tunngatillugu nalunaaruteqarfissaq tassunga tunngatillugu suliaasimasoq atorneqassaaq taannalu ilanngussassat pisariaqartut ilanngullugit naalakkersuisoqarfimmit kingusinnerpaamik 1. december 2018 tiguneqareersimassaaq.

Suliniummot tunngatillugu paasissutissat, angusat misilittakkallu silaannaap allanngoriartorneranut atatillugu suliniutit pisortatigoortumik nalunaarsorsimaffiannut ilanngunneqassapput ilaatigut uani www.climategreenland.gl.

Attaveqarfigisimasanut paasissutissat

Pinngortitamut Silallu pissusaanut immikkoortortaqarfik
Pinngortitamut Avatangiisinullu Naalakkersuisoqarfik
Postboks 1614
3900 Nuuk
nalunaaqutserlugu: Silap pissusaanut aningaasaliissutit

E-mail: pan@nanoq.gl